



Siumut, Inatsisartut
Uunga: Inatsisartunut ilaasortaq Anders Olsen

§ 37 naapertorlugu apeqquteqaammut akissut - 235

Apeqqtinnut qujanarujussuaq.

Apeqqtigisannut tunngavilersuutigisatit tunngavigalugit akissutikka suliassani 1-imi, Sanaartugassanut Iluarsagassanullu Aningaasaateqarfik pillugu nassuiaat 2012-imi qupp. 21-mi nassuiarneqartuni sulianut ingerlasunut taamaallaat tunngatinniarlugit aalajangerpunga.

02-12-2013
Sags nr. 2013-092957
Dok. nr.1409914

Postboks
3900 Nuuk
Tlf. (+299) 34 50 00
Fax (+299) 34 54 10
E-mail:
www.nanoq.gl

1. **Sanaartugassanut Iluarsagassanullu Aningaasaateqarfimmi, sanaartugassanut tunngasut aningaasat qanoq naleqartigisut ullumikkut uninngasuutigai?**
 - a. 2013-imi oktobarimi Sanaartugassanut Iluarsagassanullu Aningaasaateqarfimmi sanaartugassanut aalajangersimasunut akuerineqarsimasunullu 846.892.097 koruunit uninngasuutigineqarput.
2. **Sanaartugassat iluarsagassallu pituttugaareersut suussusaat, aningaasartaasa qanoq annertugineri kiisalu kommuninut agguataarneri Naalakkersuisut nassuiaatigisinnaavaat?**
 - a. Tassani Sanaartugassanut Iluarsagassanullu Aningaasaateqarfik pillugu nassuiaat 2012-imut, naatsorsukkani kingulliusumut ilaliussaq 6, kiisalu apeqqummut 1-imut akissuteqaatiga innersuussutigisariaqarpakka.
3. **Sanaartugassanut Iluarsagassanullu Aningaasaateqarfimmi sanaartugassat pituttugaareersut ukiuni tullerni sanaartorneqarnissaat anguniarlugu Naalakkersuisut qanoq pilersaaruteqarpat?**
 - a. Sanaartugassanut Iluarsagassanullu Aningaasaateqarfimmi suliassat tamaasa assigalugit, suliassat sapinngisamik sukkanerpaamik naammassineqartarnissaat pilersaarutaavoq, tassani suliassami tunngavissat allanngornerisigut taamaatinneqavinnerisigulluunniit suliassat allanngortinnissaannut naalakkersuinikkut piginnaatitsisoqarsimangippat.

Inussiarnersumik inuulluaqqusillunga

Siverth K. Heilmann